

ՍՈՒՐԵՆ ՅՈՐՈՍՅԱՆ

**ՀԱՅՈՑ ԶԻԹ-ՀԱՆՈՒԹՅԱՆ
ՄՇԱԿՈՒՅԹԸ**

(XIXդ. - XXդ. առաջին կես)

(Պատմագագարական ուսումնասիրություն)

Խմբագիր՝ Գ.Գ. Սարգսյան

THE SECRETARY OF THE ARMY
WASHINGTON, D. C.

OFFICE OF THE CHIEF OF STAFF
WASHINGTON, D. C.

MEMORANDUM FOR THE SECRETARY OF THE ARMY

SUBJECT: [Illegible]

(X) [Illegible]

(Y) [Illegible]

Respectfully,
[Illegible Signature]

ՆԵՐԱԾՈՒԹՅՈՒՆ

Ուսումնասիրությունը վերաբերում է հայ ժողովրդի տնտեսական գործունեության ավանդական ճյուղերից մեկին՝ ձիթհանությանը: Ազգագրորեն այս բնագավառը չի հետազոտվել: Լևսած 20-րդ դարի երեսնական թվականներից, տնտեսության այս ճյուղը զանազան պատճառներով սկսեց անկում ապրել և արդեն հիսնական թվականներին գրեթե վերացավ: Հարցի համակողմանի ուսումնասիրությունն արդեն 1960-ական թվականներին անհրաժեշտ և պարտադիր էր այն առումով, որ դեռևս հնաքավոր էր դաշտային ազգագրական նյութեր հավաքել մարդկանցից, որոնք հանդիսանում էին ձիթհանության ավանդական եղանակների և հմտությունների կրողներ: Սույն աշխատության հրապարակումը մի փորձ է մոռացությունից փրկելու հայոց տեական փորձի ու հմտության արդյունքում ձևավորված տնտեսական զբաղմունքի և նյութական մշակույթի մի ասպարեզ ևս:

Աշխատանքի նպատակն է ցույց տալ ձիթհանության տեղն ու նշանակությունը հայոց տնտեսական կենցաղի համակարգում: Դաշտային ազգագրական նյութերի և մատենագիր ու վրձագիր սկզբնաղբյուրների պարունակած տեղեկությունների հիման վրա ներկայացվում են հայոց երկրագործական մշակույթի համակարգում ձիթատու բույսերի աեսականին, դրանց մշակման, խմամքի, բերքահավաքի և վերամշակման հետ կապված ժողովրդական գործառնությունները:

Աշխատանքի կարևոր խնդիրներից են ձիթհանության տեխնոլոգիական գործընթացների, ձիթատու բուսահատիկների վերամշակման արտադրական կառույցների՝ ձիթհանների, առանձին մշակաբույսերի տարածման վայրերի, ձիթհանների կառուցման և գործարկման ձևերի և առանձնահատկությունների քննությունն ու լուսաբանումը: Մեծ ուշա-

դրություն է դարձված ձիթհանության հետ առնչվող տասնյակ տարաբնույթ բառերերի ստուգաբանությամբ: Տալրեր արվյուրներից հավաքվել, համադրվել և քննության են ենթարկվել ձիթհանության ասպարեզում հայերենի տարբեր բաղբառներում բուսանունների, ձիթհանի, դրա առանձին արտադրամասերի ու գործընթացների, հաղմարանքների ու գործիքների, չափերի ու կշիռների անվանումները, որոնց մեծ մասն արդեն մոռացվել է:

Ներկա ուսումնասիրությունն աշխարհագրորեն ընդգրկում է Արևելյան Հայաստանի տարածքը՝ ազգագրորեն մատչելի ժամանակահատվածում (19-րդ դ. երկրորդ – 20-րդ դ. առաջին կեսեր): Հետազոտության մեջ օգտագործվել են նաև պատմական Հայաստանի այլևայլ զավառների և հայ գաղթօջախներին վերաբերող նյութեր:

Զնայած Հայկական լեռնաշխարհը համարվում է երկրագործական մշակույթի բնօրրաններից մեկը, այս ասպարեզում կատարված ազգագրական ուսումնասիրությունները տնտեսության բնագավառների մասին տակավին լիակատար չեն: Դժբախտաբար այդ րացը գնալով դժվարանում է լրացնել, քանի որ նյութական մշակույթի ավանդական շատ ճյուղեր, հասկանալի պատճառներով դուրս մղվելով կենցաղից, աստիճանաբար մոռացվում են:

Հազարամյակներ շարունակ հայ ժողովրդի անտեսական կենցաղում ուրույն և կարևոր տեղ է ունեցել նաև ձիթատու բույսերի մշակումը, դրանց հատիկներից զանազան եղանակներով ձեթի ստացումը:

Այս կամ այն բույսը մշակութենացնելու անհրաժեշտ գործոնները եղել են տվյալ վայրում սառցադաշտերի բացակայությունը կամ դրանց փոքր ազդեցությունը, կլիմայական բարենպաստ պայմանները, հարուստ բնաշ-

խարհը, որն ընտրության լայն հնարավորություն է տվել և այնպիսի վայրի կենդանիների առկայությունը, որոնց հնարավոր էր ընտելացնել: Այս ամենը համագեցրել է այն եզրակացության, թե բույսերի մի զգալի մասը մշակութեմացվել է Առաջավոր Ասիայում և Անդրկովկասում:¹

Եվրասիայում երկրագործական մշակույթի առաջացման չորս ինքնուրույն օջախ է դիտարկվում, որոնցից մեկը առաջավորասիականն է, որտեղ էլ, հենց այն խթանել է Շումերի, Ակադի և Ուրարտուի նման հզոր պետությունների կազմավորմանը:²

Աշխատանքի հիմնական սկզբնաղբյուրը ազգագրական նյութն է, հատկապես այն, որ հեղինակը երկու տասնամյակի ընթացքում հավաքել է Հայաստանի Հանրապետության բոլոր մարզերում և հարևան երկրների հայաբնակ վայրերում: Սկսած 1971թ. հեղինակը ՀՀ ԳԱԱ Հնագիտության և ազգագրության ինստիտուտի ազգագրության բաժնի և Երևանի պետական համալսարանի ազգագրության ամբիոնի գիտարշավների կազմում ու անհատական ուղևորությունների ձևով դաշտային ազգագրական նյութեր (այսու՝ ԴԱՆ) է հավաքել Սյունիքում՝ 1972թ. Գեղարքունիքում՝ 1973թ., Լոռիում՝ 1974-1976թթ., Շիրակում՝ 1977թ., Արցախում՝ 1979-1990 թթ.: Տավուշում, Ջավախքում, Ուտիքում, Կոռայքում, Վայոց ձորում, Արագածոտնում և այլուր: Նյութերը գրառվել են ձիթհանության բնագավառում աշխատած տասնյակ մարդկանցից: Հեղինակը շնորհակալությամբ է հիշում նրանց բոլորին:

Հարկ է նշել, որ 1960-ական թվականներին Հայաստանի տարածքում ոչ մի ավանդական ձիթհան չէր գործում և դրանց գործարկման եղանակները հիմնականում գրառվել են բանասացներից: Գիտարշավների ընթացքում արվել են նաև չափագրություններ ու լուսանկարներ: Հիմնական նյութը գրանցվել է ձիթհանության ավանդաբար զարգացած շրջաններում՝ Շիրակ, Գեղարքունիք, Այունիք:

Ուսումնասիրության համար իիստ շահեկան է եղել 19-րդ դարում և 20-րդ դարի առաջին կեսերին բազմաբնույթ գրքերում, պարբե-

րական հրատարակություններում և մատենաշարերում հրատարակված բուն ազգագրական նյութը: Դրանցից սույն աշխատանքի համար անփոփոխորեն սկզբնաղբյուր են հանդիսանում «Ազգագրական հանդեսը» (այսու՝ ԱՀ) և «Էմինյան ազգագրական ժողովածուն» (այսու՝ ԷԱԺ): Ձիթատու բույսերի մշակման, ձիթհանության և ձիթամթերքների կիրառման մասին ուշագրավ նյութեր ենք քաղել հայ ազգագրական գրականությունից:³

Խնդրո առարկայի վերաբերյալ արժեքավոր նյութ է ամբարված «Բազմավեպ», «Մշակ», «Փորձ», «Նոր-Դար» և այլ պարբերականներում: Դրանք հիմնականում պատմամշակութային ընդհանրացումներ անելու միտում չունեն, այլ անդրադառնում են սոցիալ-տնտեսական խնդիրների:

1960-ական թվականներին ՀՀ ԳԱԱ Հնագիտության և ազգագրության ինստիտուտը սկսեց հրատարակել «Հայ ազգագրություն և բանահյուսություն» (այսու՝ ՀԱԲ), մատենաշարը: Այստեղ տպագրված հայոց նյութական և հոգևոր մշակույթին նվիրված աշխատություններում ուշագրավ նյութեր կան նաև ձիթհանության վերաբերյալ: Համանման նյութեր ենք քաղել ինստիտուտի ազգագրության և բանահյուսության բաժինների ու Հայաստանի պետական պատմական արխիվներից: Հույժ օգտակար են եղել 19-20-րդ դարերում հրատարակված ուսուլեզու վիճակագրական, տեղագրական և այլ բնույթի պաշտոնական հրատարակությունները, որոնք հարուստ նյութեր են պարունակում Անդրկովկասի ժողովուրդների նյութական և հոգևոր մշակույթի վերաբերյալ:

Տնտեսությունը և մասնավորապես՝ գյուղատնտեսությունը ավանդաբար առավել զարգացած էր Արարատյան դաշտում, որը նշում է նաև Ղազար Փարպեցին. «Զգալառն Այրարատու, զհոյակապն, և զհռչակաւորն և զակամաւորն, զամենաբոյսն, զամենալին, զամենագիտն, ի շահս և ի դարմանս մարդկային պիտոյիցս կենաց և վայելչութեան և սթափութեան...զանպակասութիւն հացի և զինւոյ, զանուշահոտ, զմեղրամոմ քաղցրութիւն բանջարանացն և զգանազանումն իւղաբուղիս սեր-

¹ П.М. Жуковский, Культурные растения и их сородичи, А., 1964, с. 18:

² А.И. Купцов, Элементы общей селекции растений, Новосибирск, 1971, с. 73:

³ Ստ. Լիսիզյան, Զանգեզուրի հայերը, Եր. 1969, Վ. Զ. Բորոյան, Երկրագործական մշակույթը Հայաստանում, Եր., 1972:

մացն...»:⁴

20-րդ դարի 30-ական թվականներին զանազան պատճառներով Արարայան դաշտում վերացան քնջութի հատիկներ վերամշակող ձիթհանները: Դրանց մասին մեզ հայտնի միակ հավաստի աղբյուրը Վ. Սադոյանի «Երևանի ազգագրությունը» ձեռագիր աշխատությունն էր: Հետագայում ուսական պաշտոնական տեղեկատվությունից մեկուն ծանոթացանք Ա. Մունչաձեի հոդվածին, որտեղ նկարագրվում է քնջութ վերամշակող ձիթհանը և ձեթի արտադրությունը Երևանի նահանգում:⁵ Այն հատկապես շահեկան է նրանով, որ գալիս է հաստատելու 1979 թ. Արմավիրի մարզի Նալբանդյան և Արմավիր գյուղերում հեղինակի հավաքած դաշտային նյութի հավաստիությունը:

Ձիթաբույսերի և դրանց մշակության հետ կապված արժեքավոր տեղեկություններ ենք քաղել Հ. Աթանասյանցի «Երևանի նահանգի բուսականությունը», Ղ. Ալիշանի «Հայրուսական հայկական բուսաբանություն» և Կ. Գաբիկյանի «Հայկական բուսաշխարհ» աշխատություններից: Ձիթատու հատիկների, դրանց վերամշակման, զանազան հարմարանքների ու համապատասխան արտադրական կառուցվածքների հետ կապված բազմաթիվ բառեզրեր ենք քաղել և ճշտել «Նոր բառգիրք հայկազեան լեզուի», Հր. Աճառյանի «Հայերեն արմատական բառարան» և «Հայերեն գալառական բառարան», Ա. Ամատունու «Հայոց բառ

ու բան», Ատ. Մալիասյանցի «Հայերեն բացատրական բառարան» և այլ աշխատություններից:

Դաշտային աշխատանքների հենց սկզբում պարզ դարձավ, որ սահմանափակվելով միայն 19-րդ դարի վերջով և 20-րդ դարի սկզբով, ուսումնասիրությունից դուրս էր մնում Հայաստանի միջնադարյան բարձր զարգացման հասած ձիթհանության մշակույթը: Հայկական գրեթե բոլոր վանքերն ունեցել են սեփական, եղբեմն՝ մի քանի ձիթհան, որոնց միջոցով հոգացել են վանականների սննդի, շենքերի լուսավորման և հոգևոր սպասարկման կարիքները: Այս պարագայում անհրաժեշտություն առաջացավ ուսումնասիրելու վիճագրական բնույթի բազմաթիվ սկզբնաղբյուրներ, որոնք ուշագրավ տեղեկություններ են պարունակում ձեթի և ձիթհանների մասին: Դրանցից հարկավոր է նշել հատկապես «Դիվան հայ վիճագրության» մատենաշարը: Ձիթհանության ուսումնասիրության համար արժեքավոր նյութեր ենք քաղել ճարտարապետներ Հ. Խ. Խալիփախյանի, Վ.Լ. Հարությունյանի և հնագետ Բ.Ն. Առաքելյանի՝ միջնադարյան տնտեսությանը և հայկական ճարտարապետական հուշարձաններին նվիրված մի շարք աշխատություններից:

⁴ *Ղազարայ Փարպեցու*, Պատմութիւն Հայոց եւ թուրք առ Վահան Մամիկոնեան, Թիֆլիս, 1907, էջ 19-20:

⁵ *И.И.Шопен*, Исторический памятник состояния Армянской области в эпоху ее присоединения к Российской империи, СПб, 1852, Материалы для изучения экономического быта государственных крестьян Закавказского края, Тифлис, 1884-1886 (այլու՝ *МИЭБГКЭК*), Сборник материалов для описания местностей и племен Кавказа, Тифлис, 1881-1929, (այլու՝ *СМОМПК*), Сборник статистических сведений о Кавказе, Тифлис, 1869-1880, (այլու՝ *СССК*), Памятная книжка Эриванской губернии, Эривань, 1892-1906 (այլու՝ *ПЭКТ*).